



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliarvm Omnivm Generalivm Et Provincialivm Collectio Regia**

Ab anno MCXVIII. ad annum MCLXXIX.

**Parisiis, 1644**

Concilivm Romanvm I. Qvo Cassinensis Monasterii Abbas Oderisius consecratur, eiusdemque monachi a querela episcoporum absoluuntur, anno Domini MCXXII. tempore Callisti papae II.

**urn:nbn:de:hbz:466:1-15588**

ANNO  
CHRISTI  
1120.

tinentia, de communi sanxerunt arbitrio. *Que si quis legendi studio videre querit, in multarum archiuus ecclesiarum ea facile reperire potest.* Interfuerunt autem huic Concilio dominus Guaremundus Hierosolymorum patriarcha, dominus Balduinus Hierosolymorum ex Latinis rex secundus, Ebremarus Casariensis archiepiscopus, Bernardus Nazarenus episcopus, Rogerius Lindensis episcopus, Asquitillus Bethlehemitanus episcopus, Gildonus electus abbas sancte Marie de valle Iosaphat, Petrus abbas de monte Thabor, Achardus prior montis Sion, Gerardus prior sepulcri domini, Paganus regis cancellarius, Eustachius Graniers, Vvilelmus de Buris, Barisanus Ioppe constabularius, Balduinus de Rames, & alii multi utriusque ordinis, quorum numerum vel nomina non tenemus. Hanc Synodum, ait Baronius anno 1120. prope finem, tanta morum correctio consecuta est, vt per Dei misericordiam anno sequente 1121. Turcarum princeps aduersus Antiochiam cum magnis copiis rediens, apoplexia extinctus sit.

Qui Con-  
cilio inter-  
fuerunt?ANNO  
CHRISTI  
1121.

## CONCILIVM ROMANVM I.

QVO CASSINENSIS MONASTERII ABBAS Oderifius consecratur, eiusdemque monachi a querela episcoporum absoluuntur, anno Domini MCXXII. tempore Callisti papæ II.

### NOTA.

<sup>a</sup> *Concilium.* ] Res in hac Synodo gestas Romæ chronicon Cassinate commemorat lib. 4. cap. 80. his verbis: *Mense itaque Martio, preparatis que erant necessaria itineri, Romam, vt sibi a pontifice iniunctum fuerat, consecrandus aduenit. Ibi ab eodem papa, qui tunc forte Concilium celebrabat, honorifice consecratus, a cardinalibus Romaniſque nobilibus in magna est gloria habitus. In hac Synodo episcopi aduersus monachos inuidia inflammati cæperunt dicere, nil superesse aliud, nisi vt sublatis virgis & annulis monachis deseruirent. Illos enim ecclesias, villas, castra, decimationes, viuorum & mortuorum oblationes detinere. Conuersique ad pontificem, Decidit, aiebant, pudor, canonicorum honestas oblitterata est, clericorum religio corrui, dum monachi contempto celesti desiderio iura episcoporum insatiabiliter ambiunt, & omnes que sua sunt querunt: & qui mundum cum suis concupiscentiis reliquerant, his que mundi sunt inhiare non desinunt: & quibus per beatum Benedictum ultro quiescendi locus offertur, ad episcoporum iura rapienda die noctuque occupantur. Et cum varia ingeniis hincinde essent prolata sententia, tandem ex iustione abbatis vnus ex nostris surgens in medium, dixit: Congregati sunt inimici nostri, & gloriantur in virtute sua. Sed tu Deus noster contere virtutem illorum, vt cognoscant quia non est alius qui pugnet pro nobis, nisi tu Deus noster. Nam quid acturi sint fratres Cassini degentes, qui die noctuque omnipotentis Dei clementiam pro totius mundi salute implorare & exorare non desinunt, si concessiones Romanorum*

Acta Con-  
ciliique.

Concil. Tom. 27.

G

pontificum violantur? Neque enim ita Casinenses abbates de apostolica sede meruerunt, ut qua sancto Benedicto imperatores, reges, principes, duces, Romanique pontifices obtulerunt, nos apostolatus vestri tempore mereamur amittere. Cum hac & alia multa proferret, quidam Liguria episcopus dixit: Licet episcoporum religiositas conquesta contra monachos fuerit, non tamen sine causa predecessores nostri monasteria ditauerunt. A principio namque surgentis ecclesie, duos ordines cepisse notissimum est: unum qui labore in verbo & doctrina, alterum qui vacaret orationi: unum qui actiue, alterum qui contemplatiue vite deseruiret. Vnde non immerito nos potius diligere monachos, quam insequi conuenit. Ad hac pontifex imperato silentio dixit: Casinensis ecclesia non ab hominibus neque per hominem, sed per Iesum Christum fundata est: cuius imperio Benedictus pater locum prius idolis deditum purgans, sancta descriptione regula, miraculorumque prodigiis, & sua corporali requie, orbi spectabilem reddidit, totiusque monastici ordinis caput esse constituit. Accedit quod idem venerabilis locus a Romanis pontificibus instauratus, Romana ecclesia filiorum & in aduersis solatium, & in prosperis tua requies perstat. Et nos igitur sanctorum predecessorum nostrorum vestigia secuti, Casinense cœnobium ab omni mortalium iugo quietum semper ac liberum manere, & sub solius sancte Romanae ecclesie defensione perpetuo manere decernimus. Cetera vero monasteria, in quo ordine antiquitus constructa sunt, manere iubemus. In eo etiam Concilio memoratus pontifex, Girardi abbatis animam, & omnia nostri cœnobia iura episcopis & archiepiscopis commendari curauit: abbas vero peractis Rome negotiis suis, ad monasterium rediit, & ab omnibus fratribus solenni est & honorifica processione susceptus.

ANNO  
CHRISTI  
1112.

2 CONCILIVM ROMANVM II. ANNO  
CHRISTI  
1113.  
QVO OB RESTITVTAM IN COMITIIS  
Vvormatiensibus inuestituram ecclesiasticam pax in-  
ter pontificem & imperatorem inita confirmatur, an-  
no Domini MCXXIII. tempore Callisti papæ II.

## NOTA.

Acta Con-  
cili.

2 Concilium. ] De hac Synodo Robertus de Monte continuator Siegeberti ista scribit: Anno 1113. Concilium Rome celebratur, pax inter regnum & sacerdotium reformatur, & ius inuestiturarum episcopaliū ab imperatore exfestucatur. Hoc est illud Concilium, cuius meminit Callistus in epistola gratulatoria ad Henricum imperatorem his verbis: Legatos itaque nostros, qui apud vos sunt, benevolentia vestra attentius commendantes, rogamus ut, quia Concilium a nobis indictum accelerat, cito eos ad nos Domino largiente remittas. Tuos vero legatos ita instructos dirigas, ut iuxta promissum tuum regalia in integrum Romanae ecclesie restituant.